



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 2081 4° (LN 102)

DA Box

747


Nº 2081.




M. Tindler fecit





LN 102



80 40







*Quod tandem ab imminente interitu e latebris
juxta exemplar suum emendate protulit,
eique*

*DISSERTATIONEM HISTORICO-CRITICAM,
ejus atque Auctoris Coeci
fata ulterius examinantem, promissit*

*CHRISTIANUS PETRI BRANDT, OTAVIA-FRANUS,
qui hanc Dissertationem, Respondente pietate et eruditione ornatissimo*

*ANDREAS NICOLAUS DALLER,
S.S. Min. Candidato, et Phil. Baccal.,
publice tenebitur in Auditorio Collegii Regii d. 26 Sept. Anno 1760.*

HAVNIAE, typis ANDREAE HARTVIGII GUDICHA. Anno MDCCCLX.

N^o 1.

Epithalamium illu-

STRISS. D. FRANCISCI

à Lotharingia, Ducis Barri, Marchionis Pontis Mon-

tionis, ac inclytæ D. CHRISTINAE à Dania

Ducis Mediolanensis Cæsaris Caroli Quinti Opt.

Max. ex sorore neptis, ac Christierni eius nomi-

nis secundi, Danorum, Suecorum, & Noruegi-

orū regis filia, per IACOBVM IASPARVM

DANVM Arhusiensem publicū Profes-

sorem Græcum, ac trium lin-

guarum studio

sum.

יטן יהוה את האיש חבאה אל בטר כהל
ובלאת אשכנז שטחו את בת ישראל

בית דתן וזלחל אבנה ומיחוח אשה משכנת

היי לאלפי רבבה ויירש זרעך את שער שוואן

Δεῦπερ πῶρ πάντων ἔσαι ἔωδερ ὑπάρχῃ,
ἔργω ᾧ πρότερον πράγματα βελτίονα.

C. Brandt
Olivia-Romus

A N T V E R P I Æ

Ex officina Ioan. Graphei, Anno à Christo

nato M. D. XLI.

menſe Auguſto.



Epithalamium.

I Nclyta Christierni Cimbrorum filia regis
Regis Danorum sum minor atq; vocor
Regis Danorum, Suecorum, Noruegicorum
Nata minor natu corpore maior ero.
Gratior est multo procero in corpore virtus,
Quauis exiguo sint sua dona data.
Ipsa parens Isabella mihi, regina probanda
Moribus eximiis prædita, casta, proba
Hæc soror excellens tua Cæsar auuncule chare
Vnde fit vt neptis Cæsarip ipsa vocer,
Et nomen CHRISTINA datum mihi fonte sacrato
Ex auia vocor, hoc nomine dicta, mea
Imò de genitore meo, data syllaba duplex
Est mihi Christierno nominis apta mei.
Adde quod ex illo (cui Graii nomen ab vngo
Indebant) nos tres nomina suscepimus
Quelibet vnde fluit res appellata superne
Inferneq; vicens ordine perpetuo
Hic Hymenæus erit faustus prosperq; futurus
Cuius & optatus, nunc Hymenæus erit.

A L I V D.

Pronuba Iuno veni, formosam iunge venusto
Apta etenim pulchro, pulchra puella viro.
Pronuba Iuno veni, castam coniunge pudico,
Integer vt turpi sit sine labe thorus.
Pronuba Iuno veni, præ lucida stemmata misce,
Nobilis vt claro iuncta sit vsque viro.
Omnia conueniunt, ætas, genus, ordo, figura
Congruit & paribus moribus integritas.
Non opusest cesso paritas vbi fœdera sancit
Omnia & ex simili conditione vigent.
Tu Lucina veni, quo post connubia læta
Coniugio ex simili, pusio sit similis

Puellā vel
virginem
vocat, quia
multæ etiā
in cōiugio
virgines
manserūt.

A ii

Et re

Et referat patrem si mas, si foemina matrem,
Agnoscat vultus hinc sibi vterque suos.
Si vates Danus, si non est pectore vanus,
Intra annum puer his vagiet in thalamis.
Cum cultor bonus est, & agri natura beata,
Surgit de paruo semine multa seges.

A L I V D.

Quid sibi nobilium vult densa corona virorum,
Quid sibi magnorum concio crebra Ducum
Heroum genus, & proles clarissima regum?
Quid tot in armatis conspiciuntur equis?
Raucus amœnarum clangor sonitusq; tubarum?
Cur varios faciunt tympana pulsa sonos?
Fallor? an hoc habitu sponsalia festa parantur?
In castumq; venit sic noua nupta torum?
Sponsus adest iuuenum, dulces gaudete cohortes
Tristitiam mentis pellite, Sponsus adest
Ponite nunc clypeos, & acutæ cuspidis hastas
Ornent pro galeis mollia ferta comas.
Hostis abest, astant gratissima turba puellæ
Saltantes patrio ducite more choros.
Triste nihil tota iam conspiciatur in vrbe
Purpureo cunctas spargite flore vias.
Tuq; puellarum splendor CHRISTINA decusq;
Quæ merito CHRISTI nobile nomen habes.
Regia progenies dulcissima cura tuorum
Concipe læticiam, iam tuus ignis adest.
Sponsus adest, secum Charites ex ordine ducit,
Teq; coruscanti captus amore petit.
Astat Hymen, vinclumq; gerit, quo nectit amantes
Illo vestra cupit iungere colla iugo,
Ne Cupido pugna, feruentibus annue votis
Virgo Heliconiadas inter habenda deas.
Optatumq; diu complectere læta maritum,
Stringite blandiloquis oscula mille labris.

Sic

Sic vobis nullo rumpantur gaudia fine,
Castus perpetuo sit sine lite torus.
Pronuba Iuno veni, cupidas coniungere mentes,
Tempus adest somni pronuba Iuno veni.

A L I V D.

Hæc est illa dies casti qua fœdera lecti,
Condigno iunget casta puella viro.
Nunc procul esto Venus, spurco circumdata cesto
Prouenit hic casto pectore castus amor.
Et tu cede puer cæcos qui spargis amores,
Cyprigenas flammæ non capit iste thorus.
Nec tibi quæ diras semper cum coniuge lites
Iuno geris, nunc hæc limina casta patent
Officio est perfuncta tuo castissima virgo,
Tam castis thalamis pronuba Pallas erit.
Huic sociæ Charites lætæ hic sua munera spargent,
Atq; agiles ducet turba nouena choros.

ALIA DIVERSA.

Iungat coniugio vos stabili Deus,
Summus vos faciat parens, parentes:
Sed CHRISTVS ipse pronubus vobis,
Sit Hymen Hymenæus ipse maximus Deus.
Quos comparare summus hic voluit Deus
Hos separare nulla mors poterit duos
Patriam, parentes, & domum liquit suam,
Vt glutinetur coniugi sponsus suæ,
Nam sponsor est summus Deus.
Despondet atq; spondet optimus pater:
Omnia se spondent sponso & lætissima sponsæ,
Ne desponderent animum in regionibus istis
Nubere FRANCISCO nunc vult CHRISTINA, proinde
Rogandus est summus Deus,
Hos inter nubes ne vnquam vlla exoriatur,
Discute CHRISTE graues nebulas,
Tu soli iustitiæ nubila dissipans
Plantare summus quod voluit pater,

A iii.

Ne

Ne supplantare liuor improbus posset,
Christina Christierno patre genita
Quàm christiane nubit hæc sponso suo
Pater parentis filii Deus sui
Te prole multa mox parentem fecerit
Fœcunda vitis plurimas vitas dabit.
Hæc palma vitis, palmites vitas dabit.
Sine patre CHRISTVS matre natus ex sua
Te matrem, & illum fecerit precor patrem
Ex patre mater, mater ex parente fit.
Fit ex parente vtroque tertius puer,
Plurimas tibi puellas det puella nobilis,
Quæ Deum suum parentem virgo reddidit parens.
Et tibi Deus puellus det marite nobilis,
Qui puellus ex parente natus est & virgine.
CHRISTINA heu patriam suam reliquit,
Et sponso patriam suam reliquit,
Transferat in patriam vt seq; suamq; suam.
Christina heu patriam & patrem reliquit,
Sed non reliquit optimus hanc pater patrum,
Nec Imperator hanc reliquit optimus,
Nec hæc parentem, nec parens reliquit hanc,
Sed Imperator optimus pater, virum
Pro suo dedit parente, qui hanc parentem fecerit:
Lætatur hic iam filia, & parens procul.
Vterque summis natus est parentibus,
Vtrique terra mater, & pater Deus.
Hi sunt parentes omnibus, sed maximi,
Sed vterque claro natus est ex sanguine
Regum, Ducumq; & Principum.
CHRISTI renatus est vterque sanguine,
Vterque vere nobilis, notus Deo
Notusq; mundo vterque rebus plurimis,
Vterque claris natus est parentibus,
Sed vterque clarior parens fiet modo
FRANCISCE CHRISTINAM tuam duces domum
Vxor

Vxor non trahitur, ducitur optima.
Tu te das illi, se dabit illa tibi.
Ipsa sibi dos est ter maxima quam sibi poscit
Dotem Franciscus nobilis ingenio
Diuitiis non est vitiis ornata puella.
Vterque dos est alteri.
Vterque dotes alteri multas dabit
Virtutes, pueros diuitias puto
Verus amor, syncerus amor coniunxit utrosque,
Iunxit & hos summus pronubus ipse Deus
Tobias, atque Isaac, Franciscus, & Anna Rebecca
Christina est, Niobe, Penelopeque simul
CHRISTVS adest, Virgoque parens, mutauit & vndas
Tristitiæ, iam in vina Deus comitantibus illum
Discipulis, facientque sui quæcunque ministri
Iusserit, implebuntque cados nec copia vini
Deficiet, quod læticiam præbebit abunde.
Este procul Musæ, & Charites, & pulcher Apollo,
Mercurius, Pallas procul hinc, procul hinc Ganimedes,
Ambrosia & nectar procul hinc, nisi quam tibi Christus
Sponse dabit, sponsæque tuæ, ductare choreas
Ille iubet mentis, vera hæc & summa voluptas.
Vera fides Christo nos iungit, gratia Christi
Se iungit nobis, hæc vera, & summa voluptas.
Virginitas fœcunda placet, placet hic quoque castum
Coniugium, quo nil pulchrius orbis habet.
Nubere vis Christina Deo, tunc nube marito,
Nam puto cum Christo nubere posse viro.
Ex te nascatur soboles, Christoque renata
Cum lacte CHRISTVM combibat.
Tu gignis corpus, mentem creat optimus author.
Formate mentem paruuli virtutibus.
Coniugiū hoc sanctum est quod nō vult fœda voluptas,
Sed quod voluntas efficit.
Coniugium innumeros iungit, dum pectora bina
Iungit amor verus, qui sine fine manet.

Pecto

Pectora coniugium non semper corpora iungit;

Carne viro nubas, mente viro atq; Deo.

O amor, ô summi sapientia maxima patris,
Dum per coniugium tam bona multa facis
Sit satis hæc vobis breuiter cecinisse, proinde
Qui vos coniunxit, vos regat ipse Deus.

ALIVD ad Reginalem maiestatem votium.

Det Reginalis maiestas viuat vt annis

Pluribus omnipotens Deus ac super omnia clemens.

Idem Græce, per eundem Iacobum Danum.

Δός θεε τῇ Μαρίᾳ θηρόν ζῆν τῇ βασιλείᾳ
Οὐλᾶν, εὐπράσσειν διὰ ζωῆς, καὶ ὑγιαίνειν.

ALIVD ad Sponsum.

Et Franciscæ Comes, Dux, Marchio, & inclyta proles
Viue, vale multos fœlix sospesq; per annos.

Idem Græce, per eundem.

Σὺ φράγκισκε γένος μεγάλου πέρρι, ὅλμα καλοῦς
Τούς γονέας μὲν ἔχωρ, ἔρξωσο δὲ σὺς βιοθεύων.

ALIVD ad Sponsam.

Cæsaris ô neptis salve generosa propago,
Regia progenies salve, & prælustis imago.

Idem Græce, per eundem.

Καίσαρ & υἱὸν Χρισίνη χαῖρε ἀγαυή
Ραῖς βασιλῆος ἂρ εἰ ἔρξωσο σὺ ἀντιανείρη.

Ad inclytum Principem Araniæ & Comitem de
Nassau, per eundem Iacobum Danum.

Atq; Renate tuum nomen fuit inclyte visum
His celebrare meis numeris in, cunq; figuris
Princeps Araniæ, necnon & coniugis Annæ,
Annæ dilectæ tibi nobilis vtq; pudicæ.

Idem Græce, per eundem.

Κλατὲ ξένατε πέρ μὲν τούνομα καὶ πολύαινον
ἢ πρὸς πᾶσι, ὅμως δ' αἰνᾶν μοι δόξεμ ἀγασῶς
ἀννης πρὸς τούτοις ἀλόχῃ σὺς εὐπατερείης
εὐπατρίδ' & κλατῆς, ὅτι εὐγενέος, ὅτι ἀμώμης.

ALIVD

ALIVD ad Cancellarium Brabantia.
Ingelberte iuuat vel te meminisse secundat,
Autor connubii, quia tu præclare fuisti.

Idem Græce.

Ἰγγέλβερε πρέπα μεμνήδης, ἢ δὲ προσήκα
ἐννιάδ' ἐς ἑσπέρης δ' οὐκίμης σὺ, ἔργ' ὀνομασῆς.

ALIVD ad Sponsum, quo hortatur & admo-
net eum liberalitatis in doctos viros.

Sis modo Mecænas haud deerunt Sponse Marones,
Artis enim nutrix extitit omnis honos.

Idem Græce per eundem.

Ἰσθι σὺ Μηκοίνας, ἀπέσονται οὐχὶ Μάρωνες
ὁρῶντες ἐπισήμης ἐσίμ' ἐπεί τὸ γέρας.

Carmen extempo-

RALE IN NVPTIAS CLARISSIMORVM
Principum Francisci Lotharingi & Christinæ Dano-
rum regis filia Ducissæ Mediolanensis Bruxellæ
celebrandas, die decima mensis Iulii,
Anno à CHRISTO nato
M. D. XLI.

C Alliopra meis nunc te inferre diua medullis,
Et testudineam porrige Phoebe lyram.
Curaq; Sarmaticas acris discede sub oras,
Et sine pierio pectus amore frui.
Ingredimur veras dicturi carmine laudes,
O vtinam tumido Pindarus ore siem.
Cerulea prospicio furiosos æquora ventos
Naufragii timeo sæua pericla mei.
Quis leget iratas odiosis flatibus vndas?
Deuorat exiles barbara scylla rates,

B

Quam

Quam vix effugit animo tam cautus Vlyſſes
 Eſt tamen Actæ Palladis vſus ope.
 Et mihi ſecuro quæ numina limite pontum
 Conficient ? nigras quis mihi ſternet aquas ?
 Hic opus ingenio, mens hic ſine nubibus apta
 Pectora ſint cunctis hæc vacuata malis.
 Pondera non animo ſunt hæc torpente ferenda,
 Sed magis herculeos res völet iſta toros.
 Non tua ſunt humili fingenda negotia verſu,
 Altior eſt ſtilo gloria tantameo.
 Parce præcor ſtolidis Princeps Clariffime cœptis,
 Nec data deſpicias paupere dona manu.
 Ipſe deum rector fumos capit igne ſabæos,
 Hæc eſt æterno victima grata Ioui.
 Cres quondam Soli ceratas Dedalus alas
 Obtulit, & Cereri liuida pruna placent.
 Araq; vitiferi fert ſordida muſta Lyæi,
 Sic capiunt magnos munera parua deos.
 Parua Cleonæi placuerunt teſta Molorchæ,
 Illi qui domito terga leone tulit.
 Diues Ataxerxes ſceptris generoſus auitis
 Ex fragili gelidam vaſe bibebat aquam.
 Quam ſibi demifſo porrexit ruſticus ore,
 Dum venit aurato conſpiciendus equo.
 Tu ſimili noſtras tractabilis auræ camænas
 Suſcipe nobilium fama decuſq; Ducum.
 Sanguine regali præluſtres detegis ortus
 Maius enim toto non viget orbe genus.
 Quale tibi corpus, quàm fortia pectora, vires
 Quas natura tuis addidit alma bonis.
 Frons animoſa nitet, quam formidare rebellis
 Quilibet & iuſtus debet amore ſequi.
 Quæ tua maietas ? vultus quem ſpargit honorem ?
 Signa verecundi quanta pudoris habes ?
 Intumuit quondam Pompeio Dardana magno
 Roma, quod imperium protulit ille ſacrum.

Gracia

Græcia Nelidem laudando Nestora iactat
 Maturos tantum fudit ab ore sonos.
 Vita fuit Bruti multis spectata seueri
 Attiliq; fides, religioq; Numæ
 Masculæ virtutis dos sectilis obuenit istis
 Integrior cessit candidiorq; tibi.
 Wilia tu veterum superas FRANCISCE virorum
 Nunc hæc mea sunt dubiæ carmina laudis opus.
 Testis adest latis LOTHARINGIA cognita campis,
 Non negat hæc patriæ terra beata tuæ.
 Affirmatq; meos quæ scit Germania versus,
 Et iuret quisquis nouerit à puero.
 O ego si possem tua facta volumine digna
 Tradere victuris dux venerande libris.
 Tunc ego grandiloquos imitatus carmine soccos
 Vincirem lætas fronte virente comas.
 Festinate patres, iam festinate puellæ,
 Bruxellâ properet quicquid id vrbe latet, x n
 Ingresso linguis sponso plausuq; fauete,
 Et date laticia publica signa nouar æ
 Omnis Io Pæan regio sonet auspice cælo,
 Consecret hunc celebrem lactea gemma diem.
 Inuidiose dolor squalens quoque mœror abesto
 Iam taceat trepidi garrula turba fori.
 Funera non mater gnati deploret adempti,
 Nec fleat amisso mœsta marita viro.
 Si quis ab aduersi cruciatur turbine fati,
 Differat hic luctus dissimuletq; suos.
 Omnis Io Pæan populus sonet auspice cælo,
 Consecret hunc celebrem lactea gemma diem.
 Spargite odoratos floresq; herbasq; virentes,
 Occulat ornatas plurima palma vias.
 Lata peregrinis ormentur phana tapetis,
 Quæque gerant frondes & sua dona fores.
 Annuat æthereo radians sol igneus astro,
 Nec spargat tristes Æolus ille nothos.

B ii.

Omnis

Omnis Io Pæan regio canat, auspice cælo
 Consecret hunc celebrem candida gemma diem.
 Hospita virginæ densetur turba cohortis,
 Et petat hæc Sponsum crebra salute nouum.
 Illa coronatis innectat crinibus aurum,
 Ludat, & effulis ista superba comis.
 Altera Chrysolitos habilem gerat altera torquem,
 Hæc canat, hæc festos dedicet arte choros.
 Omnis Io Pæan populus sonet, auspice Christo
 Consecret hunc celebrem lactea gemma diem.
 Assiduo late resonabunt compita luxu,
 Concrepet argutæ fistula docta lyræ.
 Suscitet & raucum sonitu tuba martia cornu
 Instrepat, & grato tibia mixta sono.
 Concurrant armati hastis simulachraq; Martis
 In tanta procures laticia celebrent.
 Pax tamen & toto regnet Venus aurea mundo,
 Aurea quæ nulli sit nocitura probo.
 Largaq; solenni referant conuiuia pompa,
 Mensa sit annoso prodiga quæque mero.
 Omnis Io Pæan regio sonet auspice cælo,
 Ornet & hunc lætum candida gemma diem.
 Adsit & in toto mea Danica musa triumpho,
 Et videam tantos cominus ore viros.
 Et videam ornatu miro procedere Sponsam,
 Danica quam genuit patria terra mihi.
 Principis & iusto nimium sim lætus honore,
 Cum sedet & Sponsæ iungitur ille suæ,
 Dum sibi Christinam iungit regalibus ortam
 Connubiis, auctam munere Cæsareo.
 Quæ Mediolani nuper cum principe princeps
 Nunc Lotharingorum cum Duce sceptrum feret.
 Aduertetq; nouo certantia corda fauore
 Gaudebit placidis & sine felle iocis.
 Omnis Io Pæan plebs clamat, auspice cælo
 Consecret hunc celebrem lactea gemma diem.

Quod

7
Quod fœlix faustumq; fiet, Lotharinga Brabantis
Nobilitas certo fœdere iuncta mane.
Cæsaris alma soror fr̃anis hæc regna coercens,
Ista graui studio fœdera conciliat.
Fœdera quæ innumeris durabunt aurea sæclis,
Fœdera quæ nequeat soluere liuor edax.
Omnis Io Pæan populus cœnat, auspice Christo
Consecret hunc celebrem candida gemma diem!
Lactea gemma diem nobis. Ô Regia signet
Progenies, quos hoc fœdere iunxit amor.
Regibus exorti parituriq; ordine reges
Viuite fœlices, viuite pacifici.
Viuite Nestoreos læti validiq; per annos,
Atq; habilem regnis fundite progeniem!

HENDECASYLLABON.

Princeps chorusco sydere pulchrior
Parthis sagittas tendere certior
Eques Gelonis imperiosior
Quæ digna mentis laus erit ardua?
Quæ digna formæ laus erit ignea?
Te Leda mallet quam dare Castorem.
Præfert Achylli proprio Thetis.
Victum fatetur Delos Appollinem.
Credit minorem Lidia Liberum.
Tu quum per altas impiger ilices,
Præda citatum cornipedem reges
Ludentq; ventis instabiles comæ.
Telis iacebunt sponte tuis feræ.
Gaudensq; adactis vulneribus caper,
Admittet hastam morte superbior.
Venus reuersum spernit Adonidem,
Damnat reductum Cynthia Virbium.
Quum post labores sub platani cubes
Virentes vmbra vel gelido specu.

B iii.

Torren

Torrentiorem fallere Syrium,
Et membra somno fessa resolveris.
O quantus vret tum Driadas calor?
Quot æstuantes ancipiti gradu
Furtiua carpent oscula Naiades:
Quis vero acerbis horridior Scythiis,
Quis belluarum corde furentior
Qui cum micantem te prope viderit,
Non optet vltro seruitium pati?
Quis non catēnas arripiat libens
Colloq; poscat vincula libero?
Tu si niualis per iuga Caucaſi
Sæuas petisses pulcher Amazones
Peltata pugnās defereret cohors
Sexu recepto patris & immemor
Inter frementes hippolyte tubas
Strictam securim languida poneret
Et seminudo pectore cingulum
Forti negatum solueret Herculi
Bellumq; solus conficeret decor
Beata quæ te nox faciet virum,
Primisq; sese iunget amoribus.
Beata regis filia Danici.
Beata tanto Principe patria:
Læti parentes fœdere nobili
Quod non resoluet liuor edax.
Vale.

Ρ
Ο Μ Η Ρ Ο Κ Ε Ν Τ Ρ Ω Ν

εἰς τοὺς γάμους.

Αἰδοίην χαρίτωρ ῥὰ γυναικὶ ἄτ' ἀνδρὶ κάλλος ἔχουσα.
 ἦρ περὶ κῆρι φίλησε πατὴρ, καὶ πότνια μήτηρ
 Λίην γὰρ πινυτήν, καὶ αὖ φρεσὶ κίεα δίδερ
 Χρυσίην δυγάτῃα Δάνωρ βασιλῆος ἀπάντων
 Φεργκίσκος Λοδάρην ἄναξ ἄρχωντε βαρείωρ
 ἀγινέει ἄνα ἄστυ πολὺς δ' ὑμεναῖος ὀρώρε
 Τοῖσι μὲν γὰρ δῶμα περὶ σοναχίζετο ποσσὶ.
 Κῆροι δ' ὀρχισῆρες ἐδίνεον. οὗ δ' ἄρα τοῖσι
 Αὐλοὶ φόρμιγγες βοήν ἔχον, αἶδε γυναικες
 Μολπῆς ἔλ' ἀρχουσάιν ἐδίνεον κατὰ μέσας
 Οὔσαι ἀριστήων ἄλοχοι ἔσαν, καὶ δὲ δύγατρες.
 Πληθύν δ' οὐκ ἄρ' ἐγὼ μυθήσομαι, οὐδ' ὀνομήνω
 ἱστάμεναι θανάμαζον ἐπὶ προδύροισιν ἐκάσκη
 Τάσι μὲν δ' οὐ μέσσοι πάϊς φόρμιγγι λιγείῃ
 ἱμερόεν κινάριζε λίνον δὲ ὑπόκαλον ἄσπερ
 Εὐδα μὲν ἠΐθεοι καὶ παρθένοι ἀλφεσίβουαι
 ὀρχεύοντ' ἀλλήλων ἐπὶ καρπῶν χεῖρας ἔχοντες
 Τῶν δ' αἰ μὲν λεπτὰς ὀδόντας ἔχον, οἶδε χιτῶνας
 ὥς τότε μὲν πρόπαρ ἡμαρ ἐς ἥλιον καταδύντα
 ἔιατο δαινύμενοι κρέατ' ἄσπετα, καὶ μέθυ καὶ οὖν
 Οἱ δ' εἰς ὀρχισύντε, οἱ ἱμερόεσσαν ἄοιδῃν
 Τρεφάμενοι τέρποντο μένον δ' ἐπὶ ἔσπερον ἐλθῆν
 Τοῖσι δὲ περσομένοισι μέλας ἐπὶ ἔσπερον ἦλθεν
 Αὐτὰρ ἐπὶ πόσι, καὶ ἐδ' ἑκτύος ἔλ' ἔρον ἔντο
 Μολπῆσε γλυκερῆς, οἱ ἀμύμονος ὀρχηδμοῖο
 Φόρμιγγος ἡ δ' αὖτις συνήορος ἐς δαλεῖν
 Δύετό τ' ἥλιος σκιδώωντό τε πόσιν ἀγχαί
 Κοίτου μνήσαντο, οἱ ὕπνῳ δῶρον ἔδοντο.

EPITHALAMIVM CÆCI.

Munera dent alii, pauper dat carmina cæcus,
Quod nisi dat cæcus carmina pauper habet.
Munera dent alii, pauper dat carmina cæcus,
Muneris est nostri munera nulla dare.
Si bona non potui, volui dare carmina pauca,
Ut grata placeam vel breuitate tibi.
Hos ego composui (mihi crede) ex tempore versus,
Hos versus tamen in tempore composui,
Si mea non laudem, veniam tamen ipsa merentur
Carmina. Nam in magnis est voluisse satis.
Consule quæso boni, bone non bona carmina Sponse,
Si mala sunt, mea sunt. Si bona sunt, tua sunt,
Carmina si bona sunt, soli sit gloria CHRISTO.
Si mala sunt, Cæcus carmina composuit.
Plura dabunt alii, melioraq; carmina nostris,
Sed qui dat quod habet, non dare plura potest.
Cui mea non placeant, dignissime carmina Sponse,
Hoc saltem placeat, det meliora meis.
Non peto pro numeris, numeres mihi munera multa.
Sed peto pro paucis paucula versiculis.
Christinam duxit Franciscus. CHRISTVS vtrunque,
Post vitam longam ducat apud superos,
Francisco vt melius nubat Christina, precamur.
Nubem omnem ex cælo discute summe Deus.
Ecce dies Domini, cuncti lætemur in illo,
Nam à Domino hoc factum est nobile coniugium.
A Domino est factum quauis mirabile nobis.
Iunxit vtrumque Deus, seruet vtrumque Deus.
De Authore cæco. Votum.
Hos qui composuit versus, quàm hoc cernere vellet
Luminibus captus nobile coniugium.
Tu Deus qui omnia ducis & regis,
Conserua quæso filium Ducis, & filiam Regis.
F I N I S.

zeus,
habet.
zeus,
re.
pauc,

mpore verus,
solui.
a merentur
le satis.
armina spon,
tua sunt,
CHRISTO,
solui.
oltris,
lura potest.
mina spon,
is.
numera mli
de.
TVS verus
ros,
camur.
ne Deus.

coniugium
obis.
e Deus.

re vellet

regis.

